



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Haymo-//nis Episcopi Hal-//berstattensis De
Chri//stianarum rerum memoria li-//bri decem**

Haimo <Halberstadensis>

Coloniae, 1531

VD16 H 224

Concilium facerdotale in Roma, propter haeresim Nouatianorum. Cap. .I.

urn:nbn:de:hbz:466:1-29805

RERVM MEMO. LIB. VII.

CORNELIVS: Quo tempore Nouatus Cypriani episcopi presbyter exurgit, hic à iuuentute spiritu immundo vexatus cum tempus à domino apud exorcistas consumpsisset, ægritudinem incurrit grauem, ita ut desperaret: vnde & iacens in lecto pro necessitate aqua perfusus est, nec reliqua in eo quæ baptizati cōsequi solent, solenniter adimpta sunt, vnde & spiritum sanctum nūquam potuit promereri. Hic Romā veniens elatione tumidus, spem salutis penitus etiam si digne pœnituisse nouo dogmate conat lapsis adimere. Ex quo & princeps efficitur hæreticorum Nouatianorū, qui ab ecclesia separati, nouo nomine catharos, id est, mundos se appellauerunt. Ob quā rem concilium sacerdotale celeberrimum in vrbe Roma congregatur, cuius acta conciliij sequens libellus explicabit.

SOD^D HAYMONIS^S
EPISCOPI HALBERSTAT.

liber VII. Cap. I.



Edente itaq; Cornelio pontifice cū episcopis lx. numero, totidemq; presbyteris & plurimis diaconibus contra Nouatianorum hæresim differuntur vigilanter, statuiturq; suffraganib; vtriusq; paginae testimonijs, eos qui lapsi fuerant, curandos esse, & fomentis pœnitentia-

HAYMO DE CHRISTIA.

tiæ medicandos, & Nouatum nihil habentem charitatis fraternæ cum reliquis sequacibus eius ab ecclesia sequestrari. Extat de his epistola Cornelij ad Fabianum Antiochenum episcopum, & libellus Cypriani magnificentissime editus, quo & lapsos confortat, & contradicentes anathematizat.

DECIVS regnat annis duobus & tribus mensibus. Cap. II.

In terea Decius duobus nec integris annis functus imperio, cum filijs pariter occiditur. Quo tempore fertur etiam obisse Origenem, cum plenus esset dierum, & pene septuagenarius. Tunc Gallus cum Volusiano filio suo obtinet imperium. Cuius cum regnum floreret in initio, & cuncta ei ex sententia cedarent, ad exemplum Decii sanctos viros qui pro parte regni eius deo supplicabant, persecutus est, cum qui bus & prosperitatem suam & pacem fugauit. Per idem tempus quæstio oritur in Africæ partibus, de hæreticis rebaptizandis vel non, sed Cornelio cæterisq; occidetalibus episcopis manet potius hæc sententia, post abiectionem dogmatis, sola eos manus impositioe purgandos.

CORNELIVS sedit annis circiter tribus. Cap. III.

Igitur Cornelio per martyrium consummato, Lucus succedit: quo solis mensibus octo funeto apostolatu, Stephanus leuatur in antitistē, qui de non rebaptizandis hæreticis similem Cornelio fert sententiam.

Caput. .III.